



REPUBLIKA E SHQIPËRISË
KOMISIONI I PROKURIMIT PUBLIK

Nr.3713/20 prot

Datë 12.05.2026

V E N D I M
Nr. 636/2025

Komisioni i Prokurimit Publik, i përbërë nga:

Fiorent Zguro	Nënkryetar
Anila Malaj	Anëtar
Kreshnik Ternova	Anëtar
Gjergj Mersini	Anëtar

Në mbledhjen e datës 12.05.2026, mori në shqyrtim çështjen me,

Objekt: Mbi zbatimin e vendimit të Komisionit të Prokurimit Publik Nr. 294/2026, datë 23.02.2026 për procedurën e prokurimit “*E hapur mbi kufirin e lartë monetar*”, me nr. REF-72884-12-18-2025, me objekt: “*Blerje pajisje mjekësore CT Skanner për Shërbimin e Urgjencave Polivalente*”, me fond limit 67,142,800.00 lekë pa TVSH, parashikuar për t’u zhvilluar me datë 19.01.2026 nga autoriteti kontraktor, Operatori i Blerjeve të Përqëndruara.

Ankimues: Operatori Ekonomik “Health & Light” SHPK, me NUIS L42231011L dhe adresë: Njësia Bashkiake Nr.2, Rruga “Themistokli Gërmenji” Nd. 11, H. 4, Ap.4, Tiranë.

Operatori Ekonomik “Montal” SHPK, me NUIS J62009007F dhe adresë: Dervish Hima-3 Kullat, K.3 Ap 9/2, Tiranë.

Operatori Ekonomik “Medfau” SHPK, me NUIS J93610823R dhe adresë: Lagja 5, Tiranë.

Autoriteti Kontraktor: Operatori i Blerjeve të Përqëndruara Rruga “Rreshit Çollaku” Godina Nr. 6/337, Tiranë (në krah të Gjykatës së Lartë).

Baza Ligjore:

Ligji nr. 162/2020 “Për Prokurimin Publik, i ndryshuar; Vendimi i Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar; Vendimi i Komisionit të Prokurimit Publik nr.766/2021, datë 13.10.2021 “Për miratimin e rregullave “Për Organizimin dhe Funksionimin e Komisionit të Prokurimit Publik”

Komisioni i Prokurimit Publik, pasi shqyrtoi dokumentacionin e çështjes dhe e diskutoi në tërësi,

Vëren:**I***Rrethanat e çështjes*

I.1. Në datë 23.02.2026, Komisioni i Prokurimit Publik mori vendimin Nr. 294/2026, ku vendosi:

1. Të mbyllë çështjen për pjesën e pranuar të ankesës së operatorit ekonomik “Montal” SHPK, për procedurën e prokurimit “E hapur mbi kufirin e lartë monetar”, me nr. REF-72884-12-18-2025, me objekt: “Blerje pajisje mjekësore CT Skanner për Shërbimin e Urgjencave Polivalente”, me fond limit 67,142,800.00 lekë pa TVSH, parashikuar për t’u zhvilluar me datë 19.01.2026 nga autoriteti kontraktor, Operatori i Blerjeve të Përqëndruara.
 2. Të pranojë pjesërisht ankesën e operatorit ekonomik “Health & Light” SHPK për procedurën e mësipërme të prokurimit.
 3. Të pranojë pjesërisht ankesën e operatorit ekonomik “Montal” SHPK për procedurën e mësipërme të prokurimit.
 4. Të pranojë pjesërisht ankesën e operatorit ekonomik “Medfau” SHPK për procedurën e mësipërme të prokurimit.
 5. Autoriteti kontraktor të kryejë modifikimet dhe sqarimet përkatëse në përputhje me vendimin e KSHA-së dhe arsyetimet e konstatimet e mësipërme të Komisionit të Prokurimit Publik, si dhe të publikojë të gjitha ndryshimet dhe sqarimet në Sistemin Elektronik të Prokurimeve.
 6. Autoriteti kontraktor, brenda 5 ditëve të vërë në dijeni Komisionin e Prokurimit Publik për zbatimin e vendimit, duke dokumentuar veprimet e kryera.
 7. Ngarkohet zyra e financës të bëjë kthimin e tarifës financiare të paguar nga operatorit ekonomik “Health & Light” SHPK.
 8. Ngarkohet zyra e financës të bëjë kthimin e tarifës financiare të paguar nga operatorit ekonomik “Montal” SHPK.
 9. Ngarkohet zyra e financës të bëjë kthimin e tarifës financiare të paguar nga operatorit ekonomik “Medfau” SHPK.
 10. Kundër këtij vendimi mund të bëhet ankim në Gjykatën Administrative të Apelit.
 11. Kopje e këtij vendimi i dërgohet për njoftim Agjencisë së Prokurimit Publik.
- Ky vendim hyn në fuqi menjëherë.

I.2. Me shkresën nr.2084/3 prot., datë 28.04.2026, me objekt: “Mbi zbatimin e vendimit të Komisionit të Prokurimit Publik me nr. 294/2026, datë 23.02.2026 për procedurën me objekt: “Blerje pajisje mjekësore CT Skanner për shërbimin e Urgjencave Polivalente” me nr.REF-72884-12-18-2025”, protokolluar me tonën nr. 3714/17 prot., datë 04.05.2026, autoriteti kontraktor Operatori i Blerjeve të Përqëndruara, informon se është zbatuar vendimi i KPP-së nr.294/2026, datë 23.02.2026 , duke kryer modifikimin e dokumentave të procedurës së mësipërme të prokurimit dhe duke i pasqyruar ato në SPE. Bashkëngjitur kësaj shkrese, autoriteti kontraktor ka sjellë në KPP shtojcën me ndryshimet dhe sqarimet e dokumentave të tenderit të procedurës së mësipërme të prokurimit, në zbatim të vendimit të KPP-së nr.294/2026, datë 23.02.2026.

Komisioni i Prokurimit Publik

Pasi shqyrtoi dokumentacionin e mësipërm,

Arsyeton

II.1. Me shkresën nr.2084/3 prot., datë 28.04.2026, me objekt: “Mbi zbatimin e vendimit të Komisionit të Prokurimit Publik me nr. 294/2026, datë 23.02.2026 për procedurën me objekt: “Blerje pajisje mjekësore CT Skanner për shërbimin e Urgjencave Polivalente” me nr.REF-72884-12-18-2025”, protokolluar me tonën nr. 3714/17 prot., datë 04.05.2026, autoriteti kontraktor Operatori i Blerjeve të Përqëndruara, informon se është zbatuar vendimi i KPP-së nr.294/2026, datë 23.02.2026 , duke kryer modifikimin e dokumentave të procedurës së mësipërme të prokurimit dhe duke i pasqyruar ato në SPE. Bashkëngjitur kësaj shkrese, autoriteti kontraktor ka sjellë në KPP shtojcën me ndryshimet dhe sqarimet e dokumentave të tenderit të procedurës së mësipërme të prokurimit, në zbatim të vendimit të KPP-së nr.294/2026, datë 23.02.2026.

II.2. Komisioni i Prokurimit Publik, bëri verifikimet përkatëse në sistemin e prokurimeve elektronike të Agjencisë së Prokurimit Publik, lidhur me zbatimin e vendimit nr.294/2026, datë 23.02.2026 të KPP-së, për procedurën e mësipërme të prokurimit.

Nga ky verifikim, rezultoi se, autoriteti kontraktor nuk ka zbatuar vendimin e KSHA-së dhe KPP-së, lidhur me pikën III.1.20 të arsyetimit të vendimit nr.294/2026, datë 23.02.2026 të këtij Komisioni, ku thuhet shprehimisht si vijon:

“III.1.20. Lidhur me pretendimin e operatorit ekonomik “Montal” SHPK SE: “ARGUMENTI Nr.8. Ne specifikimet teknike të DST - Shtojca 6 FORMULARI I SPECIFIKIMEVE TEKNIKE kerkohet: Pika 6.8 SSD (Surface Shadet Display). GE Healthcare, ndryshe nga prodhues të tjerë, nuk përdor termin SSD (Surface Shaded Display) në sistemet e saj. SSD është një metodë vizualizimi që ofron opsione 3D rendering, rrotullim dhe analize të sipërfaqeve volumetrike. Në sistemet e GE Healthcare, ky funksionalitet realizohet përmes programeve si: minip, MIP, Volume Vieeer, etj. Për këto arsye, propozojmë që specifikimi të ndryshohet, në mënyrë që të lejojë përdorimin e programeve ekuivalente që kryejnë të njëjtin funksion, duke siguruar konkurrencë të drejtë dhe përdorim efikas të teknologjive të ndryshme.

Pika 6.8 SSD (Surface Shaded Display) ose programe ekuivalente për vizualizime të sipërfaqeve dhe objekteve 3D.”, Komisioni i Prokurimit Publik konstaton se KSHA-ja, në

përfundim të shqyrtimit të pretendimeve të ankimesit, është shprehur se: “Ky specifikim teknik nuk pranohet”, “Pretendimi i ankimesit nuk qëndron”, ndërkohë që në përgjigjen e dhënë ankimesit, nga ky i fundit është argumentuar se: “Kthim përgjigje nga Grupi punës për pikën 6.8 SSD (Surface Shadet Dispaly). Metoda e kërkuar është e rëndësishme për vizualimin dhe renderin e imazheve volumetrike me prerjen e sipërfaqeve të caktuara në volumet e rindertuara. Rindertimi volumetrik është i nevojshëm për të bërë një vlerësim me të saktë të diagnoses. Gjithsesi nëse metoda e ofruar është ekuivalente duke mos cenuar cilësinë, kjo zgjidhje teknologjike mund të pranohet, në kushtet kur OE e provon me fakte që zgjidhja është të paktën ekuivalente ose më e mirë.”, pra rezulton se KSHA-ja ka pranuar teknologji ekuivalente, e për pasojë ka pranuar dhe pretendimet e ankimesit sa i takon pikës 6.8 të specifikimeve teknike “SSD (Surface Shadet Dispaly).

III.1.20.1. Neni 30 i LPP-së parashikon shprehimisht se:

“Komisioni i Prokurimit Publik shqyrton ankesat e paraqitura para tij kur në mbledhje janë të pranishëm të paktën 3 nga 5 anëtarët e tij, një prej të cilëve kryetari ose nënkryetari. Në përfundim të shqyrtimit të ankesave, Komisioni vendos me shumicë votash. Vendimi deklarativ i dhënë sipas parashikimeve të nenit 115, pikat 2 dhe 3, të këtij ligji, jepet nga 3 anëtarë për procedurat e prokurimit nën kufirin e ulët monetar dhe nga 5 anëtarët për procedurat e tjera.”

III.1.20.2. Neni 115 pika 1 dhe 3 e ligjit 162/2020 “Për Prokurimin Publik”, i cili parashikon shprehimisht se:

“Komisioni i Prokurimit Publik shqyrton ankesën e paraqitur, si dhe vendimin e autoritetit ose entit kontraktor, së bashku me dokumentet dhe shpjegimet shoqëruese, që mbështesin këtë vendim si më poshtë:

a) në rastet kur autoriteti ose enti kontraktor ka vendosur pranimin pjesërisht të ankesës, Komisioni i Prokurimit Publik vazhdon shqyrtimin:

i. për pjesën e ankesës/pretendimeve që nuk janë pranuar;

ii. e ankesës/ankesave për pjesën që është pranuar, nëse ka ankesa nga operatorët ekonomikë të interesuar, të cilët kanë paraqitur argumentet e tyre për këtë pjesë në përputhje me nenin 113 të këtij ligji;

b) në rastet kur autoriteti ose enti kontraktor ka vendosur pranimin e plotë të ankesës, Komisioni i Prokurimit Publik do të vijojë shqyrtimin e ankesës, nëse ka ankesë nga operatorët ekonomikë të interesuar, të cilët kanë paraqitur argumentet e tyre në lidhje me ankesën në përputhje me nenin 113 të këtij ligji;

c) në rastet kur autoriteti ose enti kontraktor ka vendosur mos pranimin e ankesës.

3. Në rastin kur autoriteti ose enti kontraktor pranon plotësisht ankesën, Komisioni i Prokurimit Publik:

a) nxjerr një vendim deklarativ për mbylljen e çështjes brenda 3 ditëve nga marrja e vendimit të dhënë nga autoriteti ose enti kontraktor për këtë ankesë, nëse operatorët ekonomikë të interesuar nuk kanë paraqitur argumentet e tyre sipas pikës 1 të nenit 113 të këtij ligji;

b) nxjerr një vendim deklarativ për mbylljen e çështjes brenda 3 ditëve nga përfundimi i afatit kohor të përcaktuar në pikën 5 të nenit 114 të këtij ligji, nëse operatorët ekonomikë të interesuar, që kanë paraqitur argumentet sipas pikës 1 të nenit 113 të këtij ligji, nuk kanë ankimmuar vendimin e dhënë nga autoriteti ose enti kontraktor.”

Për këtë arsye, KPP do të mbyllë shqyrtimin e çështjes në lidhje me këtë pjesë të pranuar nga autoriteti kontraktor për ankesën e operatorit ekonomik “Montal” SHPK.”

Përsa më sipër, në mbështetje të ligjit nr. 162/2020 “Për Prokurimin Publik”, i ndryshuar; Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar; nenit 46 i Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”; Neni 4, i Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, njëzëri,

Vendos

1. Të mos lejohet autoritetin kontraktor për vijimin me hapat e mëtejshëm të procedurës së prokurimit “E hapur mbi kufirin e lartë monetar”, me nr. REF-72884-12-18-2025, me objekt: “Blerje pajisje mjekësore CT Skanner për Shërbimin e Urgjencave Polivalente”, me fond limit 67,142,800.00 lekë pa TVSH, parashikuar për t’u zhvilluar me datë 19.01.2026 nga autoriteti kontraktor, Operatori i Blerjeve të Përqëndruara.
2. Autoriteti kontraktor të zbatojë vendimin e KSHA-së lidhur me pikën 6.8 SSD (Surface Shaded Display) të specifikimeve teknike të procedurës së mësipërme të prokurimit dhe vendimin nr.294/2026, datë 23.02.2026 të KPP-së.
3. Kopje e këtij vendimi i dërgohet për njoftim Agjencisë së Prokurimit Publik.

Ky vendim hyn në fuqi menjëherë.

KOMISIONI I PROKURIMIT PUBLIK

Anëtar
Anila Malaj

Anëtar
Kreshnik Ternova

Anëtar
Gjergj Mersini

Nënkryetar
Fiorent Zguro

